



Yega cas bek contento...

Perfecto lo ta toch pa goza Carnaval, pero tambe pa yega cas contento? Ban logra esaki den Carnaval 59. Cruz Cora Aruba su tips pa Yega Cas Bek Contento:

- Alimenta bo mes y bo Famia bon
- Percura pa tur hende bebe hopi awa
- Hiba un kit di EHBO pa actividad di Carnaval
- Cuida nos muchanan cu earplugs y sun block y hopi atencion!

Cruz Cora + Aruba

Feliz Temporada di Carnaval

Maske cu poco participante

Tumba Festival 43 un exito total!

DEN un Aruba Entertainment Center yen yen di ambiente. E festival di tumba 2013 a wordo dedica na Eduardo Tromp, Bencho Giel y Reynold Kelly.

Un reconocimiento a bay tambe

pa Alexander James (King Bottle). Tur e Tumberonan a haci un cos den Aruba Entertainment Center.

Pa 12.30 am a saca e ganador

absoluto di Tumba 43 pa aña 2013 cu a keda den persona di: Jeffrey Kelly, kende a canta: "Nos Tey pa Keda" acompaña pa Robert y su Solo Banda Show. Na di 2do lugar: Richard "Tattoo" Quant cu Zeta band; 3er lugar: Anouschka Odor "Curason ta bati" cu Robert y su Solo Banda Show; 4er lugar: Eugene Albertsz "Blankia Djente cu ne" cu Papito y su Biba Lekker Band y na di 5to lugar: Chicho Kock "Traha Dam Spera Awa" cu D'Licious.

Banda mihor uniforme a resulta Zeta Band; cantante mihor uniforme, un biaha mas, Richard "Tattoo" Quant.

SAC y Comision di Tumba kier a gradici tur participante, tumberita infantil, tumberita hubenil, tumberito band, banda, hurado, contador di Aruba Bank, nos MC, sponsernan y na henter nos publico cu a bin

apoya nos tumberonan y e bandanan cu awe y haci e Tumba

Festival aki uno grandi y exito.

